

Акафист преподобной Александре Дивеевской.

Кондак 1

Избранная угоднице Божия, преподобная мати наша Александро! Величающе прославляшаго тя Господа, воспеваем ти похвальная. Ты же имеющи велие дерзновение ко Господу и Пречистой Его Матери, от всяких искушений и бед свободи тебе вопиющих: Радуйся, преподобная мати Александро, первоначальнице обители Дивеевския.

Икос 1

Ангелов вышшая Всемиловитая Владычица наша Пресвятая Богородица избра ты, Александро чудная, яко рабу Свою истинную и воздвиге ты прославити Имя Сына Своего в земли, четвертым уделом Ея нареченной. Мы же, видяще Божие о тебе благоволение, со умилением глаголем ти таковая:

Радуйся, доброделание от юности возлюбившая;
радуйся, блаженство евангельское стяжавшая.
Радуйся, в скорбех к тебе прибегающим поможение;
радуйся, в печалех скорое утешение.
Радуйся, дев дивеевских благодатное пристанище;
Радуйся, женам тихое прибежище.
Радуйся, вместилище благодати Божия;
Радуйся, земли Русския преславное украшение.

Радуйся, преподобная мати Александро, первоначальнице обители Дивеевския.

Кондак 2

Видяще избранничество твое в дивном о тебе Божии промыслении, земнаго бо обручника лишившись, и всю печаль на Господа возложивши, путь свой в Киев управила еси и тамо во обители Флоровской под покровом Пресвятыя Богородицы Небесному Жениху обручилась еси, благодарно взываем Богу: Аллилуиа.

Икос 2

Разум свыше приемши слова Божия: «Иго бо Моё благо и бремя Моё легко есть», преподобная мати, благое иго Христово на себе подъяла еси, богатство и славу временную презревши, воистину Богу последовала еси; темже и мы, прославляюще Дивнаго во святых Своих, воспеваем тебе сице:

Радуйся, свеще, любовью Христовою горящая;
радуйся, нищету Христову возлюбившая.

Ра́дуйся, путе́м преподо́бных жен шéствовавшая;
ра́дуйся, свя́тости и му́дрости духо́вныя испо́лненная.
Ра́дуйся, иере́ев тѣхая ра́досте;
ра́дуйся, мона́шествующих пра́вило.
Ра́дуйся, призы́вающих тя в моли́твах защи́тнице;
ра́дуйся, о нас пред Бо́гом ходатаице.

Ра́дуйся, преподо́бная ма́ти Алексáндро, первоначáльнице обители Дивеевския.

Кондак 3

Си́ла Вы́шняго войстину осení ты, егда́ Небесé и земли́ Цари́ца явися́ ти и повеле́ изы́ти из обители́ Флоровския́ в зéмлю избра́нную Свою́, ю́же обеща́ указáти тебе́. И мы, слы́шаще о чу́дном повелéнии сем, поём Бо́гу: Аллилу́иа.

Икос 3

Име́ючи тщáние о по́двиге ино́ческаго равноа́нгельнаго жити́я, преподо́бная Алексáндро, я́ко и́стинный во́ин Христовъ на стра́жи сёрдца своего́ стоящи, не ве́ровала еси́ абие видéнию сему́, а́ки прелéстну могу́щу бы́ти, прише́дши же ко отце́м Печёрским, вся́ сия́ поведала еси́ им. Усмотрéвше у́бо тии́ дивную на тебе́ Бо́жию ми́лость, и Цари́цу Небéсную я́ко я́зву бесовомъ проповéдавшие, благослови́ша испо́лнити вся́ повелéнная ти, нас же научи́ша пéти тебе́ таковая́:

Ра́дуйся, я́ко явися́ тебе́ Воево́да Взбра́нная;
ра́дуйся, я́ко сподо́билася еси́ слы́шати повелéния Честне́йшия Херувимъ.
Ра́дуйся, я́ко славила еси́ Сла́внейшую без сравне́ния Серафимъ;
ра́дуйся, святы́ни чистое и честное́ жили́ще.
Ра́дуйся, по́двига стра́нничества не убо́явшаяся;
ра́дуйся, Небéснаго Оте́чества пла́менне возжелéвшая.
Ра́дуйся, добродéтелей вели́ких вместили́ще;
ра́дуйся, отцы́ Печёрскими наречéнная преблаже́нною.

Ра́дуйся, преподо́бная ма́ти Алексáндро, первоначáльнице обители Дивеевския.

Кондак 4

Бу́рю помышлéний сумнительных утиша́ючи, твёрдую ве́ру и упова́ние на Бо́га возложивши, преподо́бная ма́ти, вся́ глаго́лы Цари́цы Небéсныя в сёрдце твоём сохрани́ла еси́. И оста́вивши обитель, иде́же помышля́ла еси́ до конца́ дний́ своихъ подви́затися, во ино́е мéсто востекла́ еси́. Мы же, шéствию твоему́ раду́ющесея, поём Всеблагóму Бо́гу: Аллилу́иа.

Икос 4

Слы́шаши о свя́тости жити́я ино́ков Са́ровских, ма́ти Алекса́ндро, востече́ ко оби́тели той. На пу́ти же, близ хра́ма ве́си Дивее́вския па́ки удосто́илася еси́ слы́шати пресла́дкий глас Преблагослове́нныя Богоро́дицы, указы́ющия на ме́сто сие́, Ею́ возлю́бленное. И обеща́ ти Пречи́стая умно́жити zde Го́споду Бо́гу служа́щих, тебе́ же ве́рою воспева́ющих тако́вая:

Ра́дуйся, возлю́бленная Цари́цею Небе́сною;
ра́дуйся, избра́нная в Христо́вы неvéсты.
Ра́дуйся, прише́дшая в зе́млю обетова́нную;
ра́дуйся, послу́шная во́ли Пречи́стыя.
Ра́дуйся, ру́це свои́ о нас к Бо́гу простира́ющая;
ра́дуйся, ве́ру правосла́вную утвержда́ющая.
Ра́дуйся, свя́тости ревни́тельнице;
ра́дуйся, преподо́бных ра́досте.

Ра́дуйся, преподо́бная ма́ти Алекса́ндро, первонача́льнице оби́тели Дивее́вския.

Кондак 5

Боготече́нную звезду́ ви́дим тя, на Небеси́ сия́ющую в со́нме святы́х, зе́млю Ру́сскую освеща́ющую и на путь пра́вый нас, во тьме грехо́вней заблуж́дших, направля́ющую, приводя́щую пе́ти Творцу́ в Тро́ице: Аллилу́иа.

Икос 5

Ви́дяще тя, ма́ти преподо́бная, к наста́вником оби́тели Са́ровския послуша́ния ра́ди прише́дшую и во́ли своея́ совле́кшуюся, путе́м многотру́дным и ско́рбным шеству́ющую, Ду́ха Свята́го дара́ми обогати́вшуюся, о́браз смиренному́дрия зрим и поём тебе́ си́це:

Ра́дуйся, все свое́ имение Обнища́вшему нас ра́ди Бо́гу преда́вшая;
ра́дуйся, в ве́лиих трудех́ жити́е провожда́вшая.
Ра́дуйся, в посте́ и моли́тве Бо́гу угожда́ющая;
ра́дуйся, в ми́лости твое́й не оскудева́ющая.
Ра́дуйся, хра́мы мно́гия устроя́ющая;
ра́дуйся, су́щим в ну́ждах помога́ющая.
Ра́дуйся, о ино́цех Са́ровских попече́ние и промы́ление;
ра́дуйся, ни́щих и убо́гих наде́ждо и утеше́ние.

Ра́дуйся, преподо́бная ма́ти Алекса́ндро, первонача́льнице оби́тели Дивее́вския.

Кондак 6

Пропове́дует жити́е твое́, ка́ко невозвратным жела́нием Христу́ последовала еси́, блаже́нная ма́ти Алекса́ндро: егда́ дщи твоя́ в ра́нных ле́тех

преста́вися, в сем Бо́жие изволе́ние усмотрёвши, пе́ти научи́ла еси́ нас и в ско́рби Творцу́ всех: Аллилу́иа.

Икос 6

Возсия́ в тебе́ просвеще́ние истины, егда́ ра́зумом своим удивля́ла еси́ всех к тебе́ приходя́щих, кро́тостию их на путь пра́вый наставля́ючи и истины ве́ры правосла́вныя разьясняя́щи, да вси узря́т свет уче́ния Христо́ва; мы же с любо́вию взыва́ем ти:

Ра́дуйся, ма́ти Алекса́ндро, Бо́гом науче́нная;
ра́дуйся, да́ром рассу́ждения от Него́ почте́нная.
Ра́дуйся, в милосе́рдии святи́телю Никола́ю подо́бная;
ра́дуйся, в де́лах благи́х сте́зями его́ ше́ствующая.
Ра́дуйся, немощны́м земледельце́м в по́ли хле́бы пожина́ющая;
Ра́дуйся, во вре́мя жа́твы младе́нцы посеща́ющая.
Ра́дуйся, в де́лах житейских премудра́я управите́льнице;
ра́дуйся, тепло́м и любо́вию ду́ши согрева́ющая.

Ра́дуйся, преподо́бная ма́ти Алекса́ндро, первонача́льнице оби́тели Дивеевския.

Кондак 7

Хотя́щи положи́ти нача́ло устро́ению оби́тели, преподо́бная ма́ти, три келли́и поста́вила еси́: еди́ную моли́твы ра́ди и уедине́ния, иную́ се́страм, прише́дшим Бо́гу угожда́ти, и тре́тью страннопри́имну, да вси пою́т Еди́ному Бо́гу в Тро́ице: Аллилу́иа.

Икос 7

Но́ваго хра́ма во сла́ву Преблагослове́нныя Богоро́дицы строите́льница яви́лася еси́, ма́ти Алекса́ндро, и от Каза́ни спи́сок явле́нныя чудотво́рныя ико́ны Ея́ Каза́нская принесла́ еси́, да просла́вится И́мя Присноде́вы Мари́и на ме́сте сем, Ею́ возлю́бленном, мы же благода́рственно зове́м ти:

Ра́дуйся, оби́тели Дивеевския твёрдое основа́ние;
ра́дуйся, я́ко тобо́ю на милосе́рдие Бо́жие все на́ше упова́ние.
Ра́дуйся, в Кие́ве мо́щи преподо́бных Пече́рских испроси́вшая;
ра́дуйся, во оби́тели Дивеевской я́ко благослове́ние сия́ поста́вльшая.
Ра́дуйся, в годи́ну гла́да лю́таго о́крест живу́щих пита́вшая;
ра́дуйся, моли́твою твоёю нас от бед сохра́няющая.
Ра́дуйся, кро́ткая и му́драя в хра́ме Бо́жием распоряди́тельнице;
ра́дуйся, уста́ва церко́внаго усёрдна́я храните́льнице.

Ра́дуйся, преподо́бная ма́ти Алекса́ндро, первонача́льнице оби́тели Дивеевския.

Кондак 8

Стра́нное явлéние ви́димо бысть, егда́ в но́щи колéнопрéклонéнно Гóсподу моли́лася еси́, да ука́жет во́лю Свою́ на освящéние приде́ла хра́ма Каза́нския ико́ны Бо́жия Ма́тере. Сего́ ра́ди явлéн ти бысть незри́мую руко́ю о́браз перво́мученика и архи́диа́кона Стефа́на. И мы, почита́юще его́, воспева́ем Всеблагóму Бо́гу: Аллилу́иа.

Икос 8

Всем сёрдцем своим, всею душе́ю и мы́слию Бо́га возлюбившая, ма́ти Алекса́ндро, первонача́льница непреста́нно моли́твы в Дивее́ве явила́ся еси́ и, дар благодáтных слез стяжа́вши, присно в трезвёнии пребыва́ла еси́. Мы же, ве́дуще духо́вныя по́двиги твоя́, глаго́лем такова́я:

Ра́дуйся, у ико́ны Бо́жия Ма́тере Живоно́сный Исто́чник слéзы уми́ления пролива́ющая;

ра́дуйся, о заблуждших и скорбящих Бо́га умоля́ющая.

Ра́дуйся, преподо́бным Серафимом вели́кою и свято́ю наречённая;

ра́дуйся, в по́двизех до́брых благословённая.

Ра́дуйся, стезю́ правую нам указу́ющая;

ра́дуйся, во обстоя́ниях тя зову́щих помога́ющая.

Ра́дуйся, о жи́тельствующих во оби́тели твое́й, я́ко о ча́дех попечительнице;

ра́дуйся, оби́дящим их стро́гая наказа́тельница.

Ра́дуйся, преподо́бная ма́ти Алекса́ндро, первонача́льнице оби́тели Дивее́вския.

Кондак 9

А́нгелов ликосто́яния дивя́тся твоёму́ милосёрдию, ка́ко лёгкими стопа́ми селёние обходи́ла еси́ и, во смире́нии и́стиннем лю́дем по́мощь подава́ющи, о них усёрдно Бо́гу моли́лася еси́; та́ко и нас научи́ милости творити, воздви́гни от лёности и нераде́ния, да вси ра́достно поём Бо́гу: Аллилу́иа.

Икос 9

Ветии́ многосло́внии не возмо́гут изрещи́ си́лу Бо́жию, в немо́щи телесе́ твоего́ явля́ющуюся, егда́ в час отдохнове́ния от трудо́в и бде́ния, главу́ свою́ на ка́мень преклоня́ла еси́ и оде́жду ветхо́ю в зной и стужу́ тéло покрыва́ла еси́; мы же, дивя́щеся сему́, вопи́ем ти такова́я:

Ра́дуйся, всем призыва́ющим тебе́ ско́рая помо́щнице;

ра́дуйся, о лю́дех к тебе́ приходя́щих моли́твеннице.

Ра́дуйся, в беда́х и го́рестех николи́же оставля́ющая;

ра́дуйся, к райским селением призывающая.

Ра́дуйся, кладязь целебных вод ископавшая;

ра́дуйся, еще жива сущи, дар чудодейственных помощи стяжавшая.

Ра́дуйся, неизчерпаемая глубиной любви и милосердия;

ра́дуйся, образу великаго к Богу усердия.

Ра́дуйся, преподобная мати Александро, первоначальнице обители Дивеевския.

Кондак 10

Спасти хотя всех притекающих во обитель Дивеевскую, о отшествии в вечныя обители извести ты Господь, да попечение о сестрах дивеевских преподобному Серафиму заповедуеши. И мы, недостойнии, покровителей таковых на Небеси улучивше, благодарственно воспеваем Богу: Аллилуиа.

Икос 10

Стена всем святым, Пресвятая Дева, дивно управи отшествие твое от жития сего временнаго: в схиму бо великую облеченная, ты в час кончины Святых Христовых Таин приобщилася еси и душу святую в руке Божии предавши, ныне с лики жен преподобных зриши Пресвятую Троицу. Мы же, восхваляюще житие твое, глаголем ти сице:

Ра́дуйся, сестрам Дивеевским преподобнаго Серафима во отца испросившая;

ра́дуйся, светило земли Русския в нем прозревшая.

Ра́дуйся, чудесную помощь и по успении твоём просящим подающая;

ра́дуйся, у Престола Божия нас поминающая.

Ра́дуйся, о воинех, на поли брани живот свой полагающих, Бога умоляющая;

ра́дуйся, рыдания матерей о чадах утешающая.

Ра́дуйся, плачущих и скорбящих утешительнице;

ра́дуйся, о роде христианстем пред Богом представительнице.

Ра́дуйся, преподобная мати Александро, первоначальнице обители Дивеевския.

Кондак 11

Пение вознося всем святым, в земли Русстей просиявшим, страстотерпец царь Николай ревноваше о прославлении твоём, мати Александро, но прежде сам венцем мученическим увенчася. Мы же, зряще дивное исполнение чаяния его, умильно вопием Богу: Аллилуиа.

Икос 11

Светопода́тельная луча́, ко Христу́ устремлённая, явися жити́е твоё, и мно́жество ино́к ко Оби́телем Го́рним ты привела́ еси́, и вси ча́ющии благодатныя по́мощи твоя́ с любовью глаго́лют тако́:

Ра́дуйся, от земли́ челове́ки возвыша́ющая;

ра́дуйся, крото́сти и незло́бию науча́ющая.

Ра́дуйся, из волн житейских утопа́ющих изыма́ющая;

ра́дуйся, све́ще, но́щь грехо́в разгоня́ющая.

Ра́дуйся, мона́шествующих укрепле́ние;

ра́дуйся, слез го́рьких осуше́ние.

Ра́дуйся, исто́чник целе́бных воды́ пода́ющая;

ра́дуйся, больны́я и недужны́я исцеля́ющая.

Ра́дуйся, преподо́бная ма́ти Алекса́ндро, первонача́льнице оби́тели Дивеевския.

Кондак 12

Благода́ть и ми́лость излива́еши, преподо́бная ма́ти на́ша Алекса́ндро, на всех к тебе́ приходя́щих и к мощём твои́м припада́ющих, и прощёние нам у Го́спода прося́щи, науча́еши нас пе́ти Ему́: Аллилу́иа.

Икос 12

Пою́ще тебе́, ма́ти преподо́бная, восхваля́ем чудеса́ и ми́лости Бо́жия, явленны́я роду́ челове́ческому святы́ми Его́ уго́дники, и притека́юще во святу́ю оби́тель твою́, благода́рно взыва́ем ти тако́вая:

Ра́дуйся, ка́меню драги́й, Христо́ву Це́рковь украша́й;

ра́дуйся, оби́тель Дивеевскую от бед огражда́ющая.

Ра́дуйся, святу́ю во́лю Пречи́стыя Богоро́дицы исполнившая;

ра́дуйся, дар слез благодатных стяжавшая.

Ра́дуйся, я́ко смире́ние твоё бысть неисповеди́мо;

ра́дуйся, я́ко любви́ твоя́ бысть ко всем нелицеме́рна.

Ра́дуйся, ко христиа́нскому жити́ю наставля́ющая;

ра́дуйся, с ве́рою к тебе́ притека́ющим помога́ющая.

Ра́дуйся, преподо́бная ма́ти Алекса́ндро, первонача́льнице оби́тели Дивеевския.

Кондак 13

О́, предивная уго́днице Бо́жия, преблаже́нная ма́ти на́ша Алекса́ндро! Приими́ сие́ ма́лое тебе́ возносимое моле́ние на́ше и не отступи́ от нас моли́твами твои́ми, но, я́ко иму́щи дерзнове́ние у Христа́ Бо́га на́шего, испроси́ нам ми́лости и прощёния в день су́дный, да, проше́дше путь земна́го

странствия, невозбранно достигнем покоя Царствия Небеснаго и со всеми святыми воспоем Богу: Аллилуиа. (Трижды)

Молитва

О, святая угоднице Божия, преподобная мати наша Александро! Приими усердные молитвы наша, с верою и любовию к тебе возносимыя, и помози нам христианския добродетели стяжати, веру крепкую и любовь к Богу и к ближним имети, крест скорбей и болезней в терпении носити. О, госпоже наша и мати! Прости, благослови, помолися за нас, да и мы прощени будем, и помяни нас у Престола Божия, да, твоими молитвами спасаеми в нынешнем веке и в будущем, сподобимся хвалити и воспевати Всесвятое Имя Отца и Сына и Святаго Духа во веки веков. Аминь.